

OKVIRNI SPORAZUM
o nabavci kancelarijskog materijala

I SPORAZUMNE STRANE

KJP „ZOI'84 OCS“ d.o.o.

Sjedište: Alipašina bb, 71000 Sarajevo
Kojeg zastupa v.d.direktor Edis Baković
Identifikacijski broj: 4200347000004
(u daljem tekstu: Ugovorni organ)

i

SVJETLOSTKOMERC d.d.

Sjedište: Muhameda Kantardžića br.3
Kojeg zastupa direktor Madžid Avdagić
Identifikacijski broj: 4200177160001
Identifikacijski broj obveznika PDV-a: 200177160001
Transakcijski broj banke, ime i sjedište banke: 1540012000158885 Intesa Sanpaolo Banka
(u daljem tekstu: Dobavljač)

II PREDMET SPORAZUMA

Član 1.

(1) Predmet ovog Okvirnog sporazuma je nabavka kancelarijskog materijala za potrebe Ugovornog organa prema Tenderskoj dokumentaciji, broj: 1934/20 od 14.08.2020.g. i ponudi Dobavljača, broj: SK-08-IP-526/20 od 02.09.2020. godine, koji su u prilogu ovog Sporazuma i čine njegov sastavni dio.

(2) Dobavljač će robu isporučivati na lokaciju Ugovornog organa, Alipašina bb, Zetra ulaz E

(3) Rok za isporuku predmetnih roba je 3 (tri) dana.

Član 2.

Za koordinaciju operativnih aktivnosti na realizaciji ovog Sporazuma, na način i u ugovorenim rokovima, imenuju se:

- a) za Ugovornog organa: Haris Smailhodžić;
- b) za Dobavljača: Reuf Bogučanin.

III CIJENA I NAČIN PLAĆANJA

Član 3.

(1) Okvirni Sporazum se zaključuje sa vrijednošću u iznosu od **15.000,00 KM** (Slovima: petnaest hiljada i 00/100 KM) bez uključenog PDV-a, odnosno **17.550,00 KM** (Slovima: sedamnaest hiljadapetstotinapedeset i 00/100 KM) sa uključenim PDV-om.

(2) Roba iz člana 1. ovog Okvirni Sporazum će se plaćati prema utvrđenim jediničnim cijenama iz ponude Dobavljača broj: broj: SK-08-IP-526/20 od 02.09.2020. godine, koje se neće mijenjati tokom sporazumnog perioda.

Član 4.

(1) Dobavljač će ispostaviti fakturu nakon isporuke predmetnih roba, kvalitativnog i kvantitativnog prijema istih od strane Ugovornog organa.

(2) Ugovorni organ će izvršiti plaćanje iznosa iz člana 3. ovog Ugovora u roku od 60 dana od dana ispostavljene otpremnice i fakture Dobavljača.

IV OBAVEZE DOBAVLJAČA

Član 5.

(1) Dobavljač se obavezuje da:

- a) isporučenu robu, koja nije u skladu sa traženom, koja ima oštećenja ili vidljive nedostatke ili odstupa od tražene, zamijeni ispravnom u roku od 3 (tri) dana od dana prijema reklamacije Ugovornog organa;
- b) će isporuku robe ovog Sporazuma izvrši na adresu sjedišta Ugovornog organa u roku od 3 (tri) radnih dana od dana narudžbe;
- c) vrši sukcesivnu / kontinuiranu isporuku robe koja je odobrena od strane Ugovornog organa u toku provedbe predmetne javne nabavke;
- d) robu isporučiti u originalnom pakovanju, propisno upakovanu, kako bi se smanjila mogućnost oštećenja prilikom transporta;
- e) osigura deklaraciju na svakom pojedinačnom pakovanju (komadu) isporučene robe koja će biti ovjerena od strane Ugovornog organa.

(2) O eventualnim nedostacima u količini i kvalitetu predmetne nabavke Ugovorni organ će Dobavljača izvijestiti odmah, a najkasnije u roku od 7 (sedam) dana od dana isporuke.

V UGOVORNE KAZNE I NAKNADA ŠTETE

Član 6.

(1) U slučaju kašnjenja u isporuci robe do kojeg je došlo krivicom Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupno ugovorene vrijednosti robe koja je predmet Ugovora.

(2) Odabrani Dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa, u protivnom ugovorni organ će umanjiti fakturu za navedeni iznos..

(3) Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Dobavljač nije mogao uticati niti ih predvidjeti.

(4) Ukoliko Dobavljač na bilo koji način neuredno ispunjava preuzete ugovorene obaveze, a naročito u pogledu kvaliteta, kvantiteta i kontinuiteta isporuke, te u slučaju da Dobavljač uopšte ne pristupi realizaciji ovog Sporazuma, Ugovorni organ će raskinuti Okvirni sporazum i poduzeti pravne radnje u skladu sa zakonom, sa pravom naknade troškova mogućeg nastanka štete zbog neispunjenja sporazumne obaveze.

VI GARANCIJA ZA UREDNO IZVRŠENJE UGOVORA

Član 7.

(1) Dobavljač je dužan dostaviti **bezuslovnu bankarsku** garanciju za uredno izvršenje ugovora na iznos od 10% (deset posto) od vrijednosti Okvirnog sporazuma sa periodom važenja 12 mjeseci plus 30 dana.

(2) Dobavljač je dužan u roku od 10 (deset) dana od potpisivanja ovog Sporazuma dostaviti bezuslovnu bankarsku garanciju u iznosu i sa rokom važenja navedenom u stavu 1. ove tačke.

(3) Garantne dokumente nasloviti i dostaviti na adresu: "KJP ZOI'84 OCS d.o.o. Sarajevo, ul Alipašina bb, 71000 Sarajevo. Bankovna garancija za uredno izvršenje ugovora će poslužiti za pokrivanje svake štete i troškova koje Ugovorni organ može imati ukoliko Dobavljač prekrši bilo koju odredbu ugovora o nabavci predmetnih roba nakon što se isti prethodno obavijesti o eventualnim propustima i pozove da otkloni takve propuste.

(4) Ukoliko ne nastupi ni jedan od slučajeva koji bi zahtijevao realizaciju garancije za uredno izvršenje ugovora, ugovorni organ vrši povrat garancije za uredno izvršenje ugovora u roku od 30 dana od isteka roka njenog važenja.

(5) Dobavljač snosi odgovornost za sve, materijalne i nematerijalne, štete nastale Ugovornom organu i trećim osobama krivicom Dobavljača kao i sve štete nastale od opasne stvari i opasne djelatnosti, tijekom izvršenja predmeta ovog Sporazuma.

(6) Bankarska garancija mora biti neopoziva, bezuvjetna, plativa na prvi poziv, bez prava na prigovor i primjedbe.

(7) U slučaju da Dobavljač ne dostavi bankovnu garanciju u roku od 10 dana od dana potpisivanja sporazuma od strane Ugovornog organa, Okvirni sporazum će se smatrati apsolutno ništavnim, a postupanje dobavljača teškim profesionalnim prekršajem.

VII STUPANJE NA SNAGU I RJEŠAVANJE SPOROVA

Član 8.

(1) Ovaj Okvirni sporazum stupa na snagu danom obostranog potpisivanja od strane ovlaštenih lica sporazumnih strana, a zaključuje se na period od 12 (dvanaset) mjeseci.

(2) Ugovorni organ će predmet iz člana 1. ovog Sporazuma nabavljati zavisno od svojih potreba za vrijeme trajanja ovog Sporazuma.

Član 9.

(1) Svaka od ugovornih strana može otkazati ovaj Okvirni sporazum pisanim putem uz otkazni rok od 30 (trideset) dana iz svih razloga propisanih Zakonom o obligacionim odnosima.

(2) Ugovorni organ može raskinuti ugovor jednostrano u slijedećim slučajevima:

- a) ako dobavljač dođe u situaciju da ne može izvršiti svoje obaveze iz ovog Sporazuma;
- b) ako je kašnjenje u isporuci opreme koja je predmet ovog Sporazuma takva da može dovesto u pitanje realizaciju Okvirnog sporazuma;
- c) ako dobavljač isporuči inventar suprotno tenderskoj dokumentaciji i prihvaćenoj ponudi;
- d) ako dobavljač ne izvrši primopredaju robe.

(3) Okvirni sporazum se raskida pismenom Izjavom koja se dostavlja drugoj ugovornoj strani. U izjavi mora biti naveden razlog zbog kojeg se ovaj Sporazum raskida.

(4) Ako ugovorne strane sporazumno raskinu ovaj Okvirni sporazum, tim sporazumom reguliraće se sva pitanja nastala povodom raskida ovog Sporazuma.

Član 10.

Eventualno nastale sporove pri realizaciji ovog Sporazuma, sporazumne strane će rješavati mirnim putem, u protivnom ugovara se nadležnost suda opće stvarne nadležnosti u Sarajevu.

VIII OSTALE ODREDBE

Član 11.

Ugovorne strane su saglasne da Dobavljač nema pravo, u svrhu izvršenja ovog Sporazuma, zapošljavati fizička ili pravna lica koja su bila sudjelovala u pripremi tenderske dokumentacije ili su bila članovi ili stručne osobe koje je angažovala Komisija za nabavku u postupku koji je prethodio ovim sporazumu, najmanje 6 (šest) mjeseci po zaključenju ovog Sporazuma, odnosno od početka realizacije sporazuma.

Član 12.

Eventualno nastale sporove pri realizaciji ovog Okvirnog sporazuma, sporazumne strane će rješavati mirnim putem, u protivnom, ugovara se nadležnost suda opće stvarne nadležnosti u Sarajevu.

Član 13.

Za sve što nije regulirano ovim Okvirnim sporazumom, primjenjivaće se odredbe Zakona o obligacionim odnosima u Bosni i Hercegovini.


Član 14.

Punovažne i obavezujuće su samo one izmjene i dopune ovog Sporazuma koje su sporazumne strane sačinile sporazumno i u pisanoj formi.

Član 15.

Ovaj Okvirni sporazum je sačinjen u 6 (šest) istovjetna primjerka, od kojih svaka sporazumna strana zadržava po 3 (tri) primjerka.


Za Dobavljača


Madžid Avdagić, direktor

Datum: 03. 11. 2020. godine

Broj: SK-08-u-299/20

Za Ugovornog organa


Edis Baković, v.d. direktor

Datum: 06. 11. 2020. godine

Broj: 3035/ha

